

AWIG-AWIG
DESA ADAT
TAMAN SARI



Kecamatan : M e l a y a
KABUPATEN DATI II JEMBRANA
PROP. DATI I BALI

• 0 0 0 0 •

WK

DAGING BUKU AWIG - AWIG DESA ADAT TAMAN SARI

NO	DAGING BUKU	PAWOS	KACA
1	DAGING BUKU / cakepan		i
2	Lambang Awig- awig Desa Adat Taman Sari		ii
3	Artos Lambang Desa Adat Taman Sari		ii
4	Murda Citta		1
5	Sarga I. Aran Lan Palemahan	1, 2, 3	2
6	Sarga II. Patitis Lan Pamikukuh	4, 5	2
7	Sarga III. Sukerta Tata Pakraman :		
	Palet 1. Indik Krama	6, 7, 8, 9	3 4
	Palet 2. Indik Prajuru	10, 11, 12, 13	4 5
	Palet 3. Indik Kulkul	14 15	5 6
	Palet 4. Indik Paruman	16	6 7
	Palet 5. Indik Druwen Desa	17 19	7
	Palet 6. Indik Pamitegep :		
	Kaping 1. Indik Tegal, Carik	20	7 8
	Kaping 2. Indik Papayonan	21	8
	Kaping 3. Indik Wewangunan	22	8
	Kaping 4. Indik Wewalungan	23	9
	Kaping 5. Indik Bhaya	24 25	9 10
	Kaping 6. Indik Penyanggran Banjar	26	10
8	SARGA IV. SUKERTA TATA AGAMA		
	Palet 1. Indik Dewa Yadnya	27 33	10 12
	Palet 2. Indik Resi Yadnya	34 35	12
	Palet 3. Indik Pitra Yadnya	36 40	12 15
	Palet 4. Indik Manusa Yadnya	41	15
	Palet 5. Indik Bhuta Yadnya	42 43	15 16
9	SARGA V. SUKERTA TATA PAWONGAN :		
	Palet 1. Indik Pawiwahan	44 48	16 17
	Palet 2. Indik Palas Marabi	49 52	18 19
	Palet 3. Indik Sentana	53 57	19 20
	Palet 4. Indik Warisan	58 62	20 21
10	SARGA VI. WICARA LAN PAMIDANDA		
	Palet 1. Indik Wicara	63 64	21 22
	Palet 2. Indik Pamidanda	65 67	22 23
11	SARGA VII. NGUWAH - NGUWAHIN AWIG-AWIG	68 69	23
12	SARGA VIII. P A N U T U P	70	23
13	LUWIR SANG NGALINGGA TANGANIN	-	24
14	PAMURWANING ILIKITA SWA DESA ADAT TAMAN SARI	-	25

LAMBANG
AWIG – AWIG DESA ADAT
TAMAN SARI
KECAMATAN MELAYA
KABUPATEN DAERAH TINGKAT II JEMBRANA



ARTOS LAMBANG DESA ADAT TAMAN SARI

- I. Segi Lima maka Cihna : Pancasila sane kanggen Pamikukuh Desa Adat Taman Sari
- II. Windu maka cihna : Paiketan Desa Adat Taman Sari
- III. Padi Kapas maka cihna : Sandang lan Pangan
- IV. Bucu Telu maka cihna : Kahuripane sane kaenter antuk Tri Hita Karana.
- V. Swastika maka Pralambang Agama Hindu
- VI. Rante kehnya 4 (patpat) maka cihna kehnya Banjar Adat sane wenten ring wewidangan Desa Adat Taman Sari.
- VII. Lengkara
SATYAM MUKTI JAGADHITA : Maartos saking kajujuran punika sane Prasida muktiang jagate sukerta.

MURDA CITTA

“ OM SWASTYASTU ”

Desane mula wantah pawakan utawi pasayuban Krama Desa rawuhing kulawargannya manut Dresta, Desane taler pinaka Bhuwana Agung, Pawongan soang-soang pinaka Bhuwana Alit, adung patemun kakalih punika malarapan Santa Jagatdhita sinanggeh murdaning Prayojana pangriptaning Awig-awig.

Sotaning Bhuwana Agng Desane mula wantah pawakan Bhawa mahurip jangkep saha Tri Hita Karana luwire :

1. **Prahyangan** : Sahanan Kahyangan Panyiwian Desa genah ngarcana Ida Sanghyang Widhi Wasa sane pinaka Atma ngawetuwang Prana Kahuripan idesa Adat.
2. **Palemahan** : Tanah kakuwuban saha dagingnya sinanggeh angga sariran Desa Adat.
3. **Pawongan** : I Krama Desa Adat rawuhing kulawargannya punika pinaka pawakan Tri Kaya, awanan Desa Adate sida molih maprewerti.

Siyos ring Dresta inucap maka pamekas Pancasila kalih undang-undang Dasar 1945 miwah sahanan Tata Negara Republik Indonesia tan maren kahinggihan tur nenten wenang kalempasin antuk ring daging Awig-awig Desa Adat puniki.

Malarapan saking wara Nugraha Ida Sanghyang Widhi Wasa dumadak daging Awig-awig sane kahanggehang dasar pamidabdab mecikang sapamargin tata kramaning “ **Desa Adat Taman Sari** ” lamakana sida mamangguh kasukertan, Trepti miwah karahajengan sekala lan Niskala.

S A R G A H 1
ARAN LAN PALEMAHAN
PAWOS 1.

1. Desa Adat puniki mwasta : Desa Adat “ **Taman Sari** ”
2. Jebar kakuwub wawidangan mawates nyatur Desa :
 - a. Sisi wetan mawates antuk Desa Adat Manistutu
 - b. Sisi Kidul mawates antuk Desa Adat Tukadaya lan Desa Adat Berawan Tangi.
 - c. Sisi Kulon mawates antuk Desa Adat Warnasari
 - d. Sisi Lor mawates antuk Wana Negara.
3. Padum lan wewidangan Desa Adat puniki kapah dados 4 (etang) Banjar Adat luire :
 - a. Banjar Adat : Sarikuning
 - b. Banjar Adat : Sarikuning Tulung Agung
 - c. Banjar Adat : Sombang
 - d. Banjar Adat : Kembang Sari
4. Soang-soang Banjar Adat inucap taler kapah dados makudang-kudang Tempekan / Arahan.
5. Jebar wawidangan Banjar Adat mangda kawentenang pawatesan sane pastika manut pararem.

PAWOS 2

Manut Tri lingganing Desa Adat kakuwub wawidangan kapah 3 (Tiga) mandala luire :

- a. Utama Mandala makadi Tegak Kahyangan.
- b. Madia Mandala makadi pupulan karang paumahan, telajakan desa, margi/rurung lan tukad.
- c. Nista Mandala makadi Setra / Tunon.

PAWOS 3.

1. Banjar Adat miwah saluir sekehe-sekehe kengin ngardi paswara sima miwah pararem-pararem maka pikukuhnya.
2. Paswara miwah pararem-pararem inucap tan wenang lempas ring daging awig-awig Desa Adat puniki saha kalingga tanganin olih Kelihan Desa / Bendesa Adat.

S A R G A H II
PATITIS LAN PAMIKUKUH

PAWOS 4

Desa Adat “ Taman Sari ” ngamanggehang pamikukuh minakadi :

- a. Pancasila
- b. Undang-undang Dasar 1945 pamekas pasal 18.
- c. Tri Hita Karana manut sada cara Agama Hindu.
- d. Paswara-paswara sang angawarat.

PAWOS 5.

Luwir patitis Desa Adat “ Taman Sari ”

- a. Mikukuhang miwah ngarajegang Sanghyang Agama
- b. Nginggilang Tata Prawerti maagama
- c. Ngarajegang kasukertan Desa Adat kalih Pawongannya antuk Tri Parartha inggih punika :
Asih, Punia, Bhakti (Paras paros Sarpanaya salunglung Sabayantaka / Tatwam Asi).

S A R G A H III
SUKERTA TATA PAKRAMAN

PALET 1.

INDIK KRAMA

PAWOS 6

1. Sane kasinanggeh Krama Desa inggih punika kulawarga sane magama Hindhu sahe malinggih ring wawidangan Desa Adat opuniki.
2. Krama ngarep inggih punika kulawarga sane ngamong karang miwaho carik.
3. Ngawit dados Kramoa Adat, Krama sane sampuno marabian tur mawiwit saking pawiwahannya.
4. Krama sane sampun marabian sakewanten durung mapawiwahan risampun 6 (enam) sasih patut dados krama Adat.
5. Balu Karoban lanang utawoi Istri luput keni ayahan yening okane kantung alioot-alit. Sakewanten yening kane sampun teruna lan teruni yening lanang keni ayahan lanang, sane istri keni ayahan istri, sane mawasta negen sanan tua.
6. Balu Kaputungan (nenten maduwe sentana) lanang utawi istri luput ring ayahan Desa/Banjar Adat.
7. Yening wenten jatma ubuh sane katinggal lih yayah ibu yan teruna lan teruni luput ring ayahan Krama Adat lingsir, nanging tan luput ring ayahan sekehe Teruna-Teruni.
8. Yening wenten tamiu utawi panumpang magenah ring wawengkn Desa Adat / Banjar Adat tur sampun ngalinggihin karang padruwean pinih suwe 3 (tigang) sasih patut sampun tedun ngayah tur selanturipun dados Krama Desa / Banjar Adat.
9. Yening wenten tamiu utawi panumpang magenah ring wewengkon Desa / Banjar Adat puniki lintang ring tigang sasih mangda nyabran sasih nawur dana ring desa / Banjar Adat manut pararem taler muatang ilikita.
10. Yening wenten sinalih tunggil krama Adat rikalaning ngayah matilar sadereng puput pekaryan wenang krama inucap keni pamidanda manut pararem.

PAWOS 7.

1. Desa Adat / Banjar Adat puniki madruwe laluputan ayahan manut ring sang inggilang linggih, sang kawelas asih luwire :
 - a. Prajuru Desa Adat / Banjar Adat.
 - b. Sang Sadaka, Pamangku Sad / Dhang Kahyangan, Kahyangan Tiga miwah Pangulu Desa miwah Banjar Adat.
 - c. Wong Sakit tahunan, Ceda angga banget, buduh / ila miwah sapanunggalanipun
 - d. Sane mekarya ring pemerintah (Pegawai Negeri).
2. Desa Adat / Banjar Adat puniki madruwe puwangkid / nenten tedun ngayah yaning wenten pakewuh luire :
 - a. Ngelaksanayang sahanan Yadnya.
 - b. Ngelaksanayang Padewasan.
 - c. Sungkan / mitepetin kulawarga sane sungkat Rat.
 - d. Lalungan mabuat yaning sampun mapisadok ring Prajuru.
 - e. Ngamargiang gaginan jagat miwah sane siyosan.

PAWOS 8.

1. wusan dados Krama Desa / Banjar Adat luire :
 - a. Sangkaning pinunas ngeraga utawi kesah ke dura Desa utawi ngelangkungin segara.
 - b. Sangkaning kanorayang duaning tan prasida ngesehin solah maprewerti setata nguwig kecaping daging Awig-awig.

- c. Sang wusn dados krama tan polih pahpahan saking padruwean Desa /Banjar Adat sejawaning pah-pahan saking padruwean Tempek manut pararem.
- d. Nyada mapiteges ngemademang ayah yaning sampun polih kaembasan saking prajuru sane kaucap jompo.

PAWOS 9.

1. Sajeroning Upakara- Upacara,prabeya utawi palakaran sane mangge ring amongan Krama Desa / Banjar Adat kadi ring sor :
 - a. Pangayah keni sawungkul
 - b. Balu keni peson-peson separo
 - c. Prajuru keni peson-peson manut pararem
 - d. Pamangku kahyangan kaluputang.
2. Sane makarya ring pamerintah,indik peson-peson kakeninin jinah padana manut pararem sakadi ring sor puniki :
 - a. Sane magenah ring sajeroning Desa Adat keni jinah padana nyabran warsa akehnya manut pararem.
 - b. Sane magenah ring jaba Desa Adat sakewanten kantun katut ring pakraman Desa Adat kakeninin jinah padana manut pararem.
3. Saluwiring peson-peson utawi urunan wau kemargayang olih Prajuru Adat risampun polih cacumpon saking pararem Desa / Banjar Adat.
4. Yening cacumpon parareme punika sampun kalaksanayang tur sampun puput lintang ring wewanengan.l Krama Adat durung nawur peson-peson utawi urunan punika,patut kakeninin pamidanda kehnya manut pararem.
5. Yening wenten sinalih tunggil Krama Desa / Banjar Adat tungkas ring pasukertan inucap (nenten nawur pamidanda) sasuwene durung katawur,Krama Adat punika nenten polih pangayoman saking Prajuru Adat.

PALET. 2

INDIK PRAJURU

PAWOS. 10.

1. Desa Adat Taman Sari puniki kaenterang olih Bendesa Adat maka panuha Desa Adat taler kasanggra olih :
 - a. Patajuh : Maka wakil Bendesa Adat
 - b. Panyarikan : Maka Juru surat Desa Adat
 - c. Patengen : Maka Pangemong druwen Desa Adat
 - d. Pamijian : Juru Pamargi / panyanggra Desa AdatBanjar Adat Kaenter olih :
 - a. Kelihan Adat : Maka pamuka Banjar Adat
 - b. Panyarikan : Maka juru surat Banjar Adat
 - c. Patengen : Maka pangemong druwen Banjar Adat.
 - d. Kasinoman : Maka Juru Warah Banjar Adat.
2. Bendesa Adat lan Kelihan Adat panut :
 - a. Mawiwit saking Krama ngarep
 - b. Kaadegang malarapan antuk kawidi (kapilih) olih paruman Desa / Banjar Adat sane kawidi tur kagentosin nyabran 5 (limang) warsa sajawaning wenten pariindik tiyosan tur kawidi malih.
 - c. Maduluran antuk Dewa Saksi ring Pura Bale Agung
3. Kasinoman akehnya manut kawigunan saha magilir 5 (Limang) warsa.
4. Sajeroning ngenterang kasukertan niskala,Bendesa mingsingghang Pamangku Kahyangan Desa.

PAWOS. 11.

1. Swadharmaning Prajuru Desa Adat / Banjar Adat luire :
 - a. Ngenterang pelaksana sedaging Awig-awig miwah pararem Desa / Banjar Adat.
 - b. Nuntun tur ngenterang Krama rawuhing Warga Desa / Banjar Adat ngudpadi antuk patitis.
 - c. Mawosin kalih niwakang pamutus arep ring wicara warga Desa / Banjar Adat.
 - d. Maka Duta matemuang bawos ring sapisira ugi.
2. Prade Prajuru punika iwang panglaksana keni pamidanda nikel ring kaiwangan sowang-sowang Krama saha kangkat kakaryanang manut pararem.

PAWOS. 12.

1. Petias utawi olih-olihan Prajuru Desa / Banjar Adat luire :
 - a. Luput rerampen utawi peson-peson
 - b. Luput saking ayahan Subak utawi Dinas manut paselisiaan.
 - c. Petias siyosan manut pararem.

PAWOS. 13.

1. Prajuru Desa Adat / Banjar Adat kagentosin riantukan :
 - a. S e d a
 - b. Wit saking pikayun utawi pinunas ngeraga
 - c. Kanorayang dwaning iwang pamarga menawi nilar sesana.
2. Nganorayang utawi ngentosin Prajuru Desa / Banjar Adat patut ring sajeroning paruman tur kaingkupin antuk Krama Desa.

Palet. 3.

INDIK KULKUL

PAWOS. 14.

1. Kulkul ring Desa Adat luire :
 - a. Kulkul Desa
 - b. Kulkul Banjar / Tempekan
 - c. Kulkul Sekehe-sekehe.
2. Suaran Kulkul nganutin : Dharma,Sima,Laksana pasuka dukan Desa Adat / Banjar Adat luire :
 - a. Dharma : Kulkul masuara nganutin sakancan upakara-upacara
 - b. Sima : Kulkul masuara nganutin sakancan Dresta sane kamanggehang.
 - c. Laksana : Kulkul masuara nganutin sakancan pakaryan sane kalaksanayang olih Desa Adat / Banjar Adat.
3. Tabuh tatepakan Kulkul Desa Adat luire :
 - a. Atuludan lambat : Tatengeran tedun ngayah
 - b. Atuludan bulus : Tatengeran kapanca baya
4. Tengeran tatepakan Kulkul Desa :
 - a. Pakaryan,Paparuman ketah tepakannya nganutin irama (Pangawit gancang ring madia alon miwah penarik ipun gancang) tur katepak ping kalih.
 - b. Kalayu Sekar (antaka) tepakannya ring tiga banban dados lantangan makudang-kudang anda.
 - c. Kulkul paseka-sekaan tepakannya patah kadi nomor (a) nanging siyosan malih akidij gagedig ipun nikel sekadi bintang.
5. Kapanca Bhaya :
 - a. Ngamuk : tepakan kulkul bulus titir yan sampun nyirian ngantos seda tepakannya bulus titir tigang tulud.

- b. Umah Puun : tepakan kukul bulus sakewanten ring unkur sayan banban.
- c. Bencana Jagat : Blabar tanah longsor,linuh miwah saluir ipun tepakan kukul pateh kadi nomor (a).

PAWOS. 15.

1. Kukul Desa utawi Banjar tan wenang katepak yening tan sangkaning pituduh Prajuru Desa / Banjar Adat sajawaning wenten kapanca bhaya.
2. Sang nepak kukul yening tan sankaning pituduh patut digelis atur supeksa maka buatan panepake,yan tan asapunika sang mamurug kakeninin danda manut pararem.
3. Kukul Sekehe-sekehe miwah kukul ring pondok-pondok tan kawenang nyawurin (matehin) kukul Desa / Banjar Adat yang pade mamurug taler kedanda manut pararem.

Palet. 4.

INDIK PARUMAN

PAWOS. 16.

1. Peparuman / Sangkepan ring Desa Adat Taman Sari wenten :
 - a. Peparuman Krama Desa Adat kawentenang nyabran awarsa nuju sasih ke Dasa,maka cihna tanpa arah-arah dwaning sampuntetep panumaya maka tetujon ipun :
 - Midartayang separi indik pamargin Adat sejeroning awarsa wau lintang makadi panelasan arta brana druwen Desa sane kaenterang olih Prajuru Desa miwah pidabdab usaha-usaha Desane.
 - Midartayang separikramaning Adat munjuk lungsur pakaman ayah-ayahan.
 - Midabdabin rerancangan indik usaha kalih kertin Desane kapungkur miwah sane lian-lianan
 - b. Paruman Krama Banjar Adat kawentenang nyabran 3 (Tigang sasih apisan,sajawaning wenten acara sane mabuat pisan,tetujon ipun pateh sekadi palet (a) ring ajeng.
 - c. Paruman Prajuru Desa Adat / Pamucuk kawentenang sekirang-kirangnya nyabran asasih tetujon ipun ;
 - Ngarincikang tata upaya ngelaksanayang usaha-usaha pangerencana miwah sane lian-lianan.
 - Nitenin indik pangelaksana sajeroning ngamargayang sahanan kertin Krama Desa / Banjar Adat manut lingganing Tri Hita Karana.
 - Sahanan pamutus indik inucap patut kadartayang utawi kasinahang ring paruman Krama Desa.
2. Peparuman Dea / Banjar Adat madudonan sekadi ring sor :
 - a. Prasida kalaksanayang risampun katedunin antuk sane patut ngamiletin,kamangga antuk tatengeran kukul miwah mabusana nyalempod (busana Adat) saha tan kalugra makta gegawan sakeluire.
 - b. Maka sarana jaga pangawit paruman tan maren ngarcana ring Ida Bhagawan Panyarikan maka sarana Widhi widana antuk cane miwah canang sari.
 - c. Ngelaksanayang penyacak,sep-sepan miwah nyacak dadosan gung alit manut pararem,maka pamutus bebawosan mangda briuk sapanggul (ingkup) punika sane kamanggehang.
 - d. Tan kalugra ngawetuang suara gora utawi byota.

3. Prade pidaging paruman tan kaingkupin mangda prajuru Desa / Banjar Adat ngilikang bebawos saha putusannya mangda kareremi antuk Krama Desa bilih tan prasida kasungkemin jantos ping tiga, Prajuru Desa wenang nunas bawos ring sang ngawerat.

Palet. 5.

INDIK DRUWEN DESA

PAWOS. 17.

Padruwen Desa Adat Taman Sari sekadi ring sor :

1. Kahyangan Desa luire :
 - a. Kahyangan Tiga
 - b. Pura panyiwian Banjar
2. Tanah Tegalan 1,5 ha.
 - a. Setra utawi tunon
 - b. Pelaba Pura.
3. Lelanguan makadi tetabuhan lan ilen-ilen padruwen Banjar / Tempek luire :
 - a. Joged Bumbung : Gita Santhi Budaya ring Banjar Sarikuning Tulung Agung
 - b. Joged Bumbung : Tunggal Sari Agung ring Banjar Sarikuning.

PAWOS. 18.

Piolihi-olihi Desa Adat Taman Sari luire :

- a. piolihi-olihi saking pelaba pura
- b. Urunan saking Krama Desa Adat
- c. Paica saking Guru Wisesa
- d. _aica-paica sane tiosan sane patut.

PAWOS. 19.

1. **Prajuru Desa** wenang ngetangan pamupon laba pura lan sapanunggalan druwen Desa.
2. **Pikolihi lan pamuponnya kaanggen prabeya piodalan saha wewangunan ring pura.**
3. Nyabran pasamuhan Desa, pangemong druwen Desa ngawentenang pari indik munjuk lungsuring padruwe punika ring Krama Desa.
4. Sakaluring druwe Desa patut wenten ilikitannya.
5. Tan kalugra ngadol utawi ngesahang padruwen Desa yan tan kasungkemin antuk Krama Desa.

Palet. 6.

SUKERTAN PAMITEGEP

KAPING. 1.

KARANG, TEGAL LAN CARIK

PAWOS. 20.

1. Krama Desa pangamong Karang paumahan, tegal lan carik patut kadagingin wates sane pastika nyatur macihna antuk tembok, pagehan, rurung utawi margi miwah punden :
 - a. Wates sisi Kaler miwah kangin patut kakaryanin antuk sang ngamong karang inucap sane mawates gegaleng kaluwan, sejawaning taah pecatu, tegal, carik utawi padruwen ngeraga sane kapiara sisi kelod miwah kawuh reh punika mawasta gegaleng kateben.
 - b. Prade karasayang pagehan/turus inucap ngalikadin yan pada arsa panyandingnya kengin watese punika nganggen pinget kewanten kasaksi antuk Prajuru Desa utawi prahcinnan ipun pal saking agraria tur kapiara olih sang sanding kasanding.

- c. PRADE wenten karang,tegal miah carik sane kabebeng mangda kautsahangwenten margi miwah rurung.
2. Sanangken karang, tegal miwah carik sang madruwe kakeninin amongan telajakan tur mangda katitenin minakadi :
 - a. Got-got margi / rurung sane nguwub karang paumahan
 - b. Margi / rurung sane nguwub sajeroning karang paumahan
 - c. Telabah lan sapanunggalannya.
3. Sahanan inucap ring ajeng patut katitenin utawi kapiare mangda tan mari galang apadang tur karenesin antuk sarwa tetanduran sane mapikenoh ring kauripan sekala lan niskala.
4. Sajeroning nitenin wewatesan panyengker tan kalugra :
 - a. Ngalah-alah tanah tegal,carik boya padruwean ngeraga.
 - b. Ngalah-alah tanah tegak Kahyangan,setra lan sekancan tegak sinanggeh suci.
 - c. Ngembahan toya wit wewalungan, wit pasiraman,wit pawaregan lan sane sios-siosan sane kasinanggeh ngeletehin.
5. Sapasira ugi sane mamurug sekadi ring ajeng utawi palit 4 a,b,c,patut katiwakin pamidanda manut pararem.

KAPING. 2.

P APAYONAN

PAWOS. 21.

1. Ngawit nandur pepayonan tanem tuwuh patut adepa agung ngajeroang saking wates,prade jantos ngaliwat wenang kasepat gantungin.
2. Yening wenten tetanduran ngungkulin semaliha mewastu mayanin kapisaga patut kewara antuk paiguman ping ajeng praside sang nruwenang wit punika ngerabah utawi notor.
3. Prade sampun kewara taler tan wenten usaha sang nruwenang wit,sang rumasa katetehan / kajerihan wenang mesadok ring Prajuru Desa tur risampun kaparitas kalugra ngicalang wit inucap,sakewanten patut pepayonan punika patut katawur manut pangelokika sane nepasin.
4. Sang keni pamidanda panyangaskara saha prabea manut pararem arep ring wewangunan sang karubuhin luire :
 - a. Sang nruwenang wit sinanggeh mayanin,prade pungkut ngrubuhin Krama tiosan.
 - b. Sang Notor, munggul utawi ngarebah taru tur ngerubuhin Krama tiosan.
5. Krama Desa patut ngamanggehang kawerdian tanem tuwuh sane ngawinang Desane astri tur lestari (ngalestariang Lingkungan Hidup).

KAPING. 3

WEWANGUNAN

PAWOS. 22.

1. Nyabran Ngewangun patut :
 - a. Masadok ring Prajuru,ping ajeng prade wewangunan ngeninin wates.
 - b. Ngangge asta bumi miwah gegulak asta Kosala-kosali sanistane manut ring patitis niskala.
 - c. Tan kawenangan nyayubin,bilih-bilih temboke ring telengin wates risampun kewara tur kesadokang ring Prajuru,wenang kedanda manut pararem saha tembok inucap kagubar sanistane mangda kakaryaang abangan.

KAPING. 4
WEWALUNGAN

PAWOS. 23.

1. Sahanan warga Desa sane miara wewalungan (bawi risampun mabelas utawi banteng lan sapanunggalannya sampun matelusuk) patut sayaga nitenin negul / ngelogor mangda tan ngerusakin karang utawi pabianan Krama tiosan.
2. Wewalungan Banteng,Kebo,Kambing lan sapanunggalanipun tan kayogio ngangonang ring margi napi malih ngantos mategul.
3. Prade wenten sane mamurug sekadi inucap ring ajeng patut kasadokang (kaplunguhang) ring sang madruwe wewalungan punika.
4. Yan sampun kasadokang / kewara ngantos ping tiga taler tan karengayang ngeraris sang mesadok inucap ngalanturang ring Prajuru mangda katiwakin pamidanda manut pararem.
5. Yaning prade ngeletehin tegak suci minakadi pamerajan /sanggah Kembulan,Kahyangan risampun kaparitas antuk prajuru wenang sang nruwenang wewalungan inucap kadanda antuk upakara pamarisudha manut kecaping sanghyang Agama.
6. Krama Desa patut nyanggra wewalungan miwah sarwa prani,tan kepatutang ngemademang paksi miwah nuba ulam taler sane sios-siosan.

KAPING.5.

BHAYA

PAWOS. 24.

1. Pari indik bhaya luire : Jiwa bhaya,Artha bhaya, (Kapandangan) dura cara ring Agama.
2. Sang ngemanggihin kehanan bhaya patut nepak kulkul bulus,mapitulung manut ring pawos 14 nomor 5 aksara b.
3. Prade ring Desa kehanan jiwa bhaya patut Desane ngaturang butha Yadnya tur sang mayanin katur ring sang ngawewenang.
4. Prade wenten Jatma mamisuh utawi nguman-uman jatma sios patut kakeninin pamidanda Prayascita.

PAWOS. 25.

1. Sang ngemanggihin kehatan harta bhaya (kemalingan) patut ngulukul mapitulung anut ring pawos 14 nomor 5 aksara b, utawi sang kamalingan atur supeksa ring Prajuru Desa sane pacang nimbangin utawi nandanin anut dading KUHP saha mawuwuh panyangaskara prade wenten jatma memaling barang sane sinanggeh suci.
2. Pratingkahe mapailon ring dusta sane kabawos saruron , prade wenten jatma manggihin maling tan nyadokang ring prajuru Desa jantos jatma tios sane nyaduang, patut kadanda kadi dandaning maling, sakweh pangargan wit manut cacakan Banjar tur prade jantos ping tiga melaksana asapunika wenang kasukserah ring sang ngawewenang.
3. Prade wenten jatma ngarerh reramon minakdi daun kelapa,ron, tan pasadok ring sang nruwenang wit prade kacunduk (Katara) patut kadanda kadi dandaning maling.
4. Yening wenten jatma ngeranjing pakubon wiadin pakarangan rikalaning suwung,mawastu sang madruwe karang kaicalan, wenang jatma inucap katiwakin antuk madewa saksi ring Pura Bale Agung.
5. Mangda tan katiwakin manut sekadi ring ajeng,asing-asing sang ngeranjingin pakubon jatma tios patut :
 - a. Matengeran suara (makaukan)
 - b. Nyantos sang nruwenang karang rawuh utawi masadok ring pengapit pinih tampek,maka buatan pangeranjinge.

6. Pamedal karangnye kadagingin sawen maka cihna pangarah rikala suwung.

KAPING. 6

PENYANGGRAN BANJAR

PAWOS. 26.

Krama Desa rikalaning ngawetenang karya suka-duka,patut kasanggra antuk Banjar luire :

- a. Prade ngewangun Pitra Yadnya utawi Manusa Yadnya,manut pinunas sang mayadnya.
- b. Pangerombo utawi karya gotong royong Krama jantos ping tiga salangkungan punika patut katuran pangu.
- c. Pangu rikala Pitra Yadnya anut abot dangan Yadnya,prade saking semeng ngantos wengi katuran pangu ping kalih.

S A R G A H IV

SUKARTA TATA AGAMA

PALET. 1

INDIK DEWA YADNYA

PAWOS. 27.

1. Palinggih panyiwian sewidangan Desa Adat Taman Sari luire :
Kahyangan Tiga : Pura Des / Bale Agung,Pur Puseh miwah Pura Dalem.
2. Rahina Piodalan ring soang-soang Kahyangan inucap kadi ring sor :
 - a. Pura Desa / Bale Agung rikalaning Sasih ke Dasa
 - b. Pura Puseh rikalaning sasih Kapat.
 - c. Pura Dalem rikalaning sasih Kaulu.
3. Pengaci ring Pura inucap manut kecap sastra Agama,saha kelaksanayang nista,madia,utama manut kawentenan lan pararem.

PAWOS. 28.

1. Ringsoang-soang Pura inucap kawentenang Pamangku.
2. Ngadegang Pamangku manut dudonan :
 - a. Nyanjangan utawi masemurang,soang-soang mapiteges mapinunas ring ajeng penataran wiadin ke Pura Desa menawi ring balian sonteng lan sapanunggalannya.
 - b. Turunan utawi ngewaris
 - c. Kacatri (kawidi / katunjuk) olih Krama Desa
3. Tan kawenang ngawe Pamangku luire :
 - a. Ceda angga luire : peceng,perot,cungih lan sapanunggilan
 - b. Sang sapisira ugi sane tan kapatutang manut pararem
 - c. Saking ila,ayan,buduh wiadin edan
 - d. Sane madruwe kasucian urip tan becik.
4. Prabea kapamangkuan :
 - a. Adiksa Widhi kamedalin saha kalaksanayang antuk sang ngadegang,makadi Krama Desa utawi pangempon Pura soang-soang.
 - b. Mapitra Yadnya riwekas prade kulawarga pamangku tan mersidayang,patut sungkemin antuk Krama Desa utawi pangemong sanistane Brahma Prayas cita panyanggrane manut pararem,Yadnya punika kalaksanayang antuk wargan sira mangku.
5. Pamangku patut ngamanggehang sasananing pamangku,luire :tan wenang ajejuden miwah sane siosan.

PAWOS. 29.

Swa dharmaning Pamngku luire :

- a. Ngenterang Upacara piodalan ring Kaahyangan utawi ring soang-soang pakubon Krama.
- b. Tan wenang salab-sulub,yan mamurug wenang mangku inucap nyapuhin raga.
- c. Prade salah sinunggil Pamangku kapialang utawi cuntaka,kengin nyelang mangku tiosan utawi nuur sang Sulinggih.
- d. Semaliha yan sampun Pamangku ngayah tigang rahina ring Pura kancit wenten kula wargannya kalayu sekaran,mangku inucap tang keneng cuntaka sakewanten Mangku punika nenten budal selami piodalan.

PAWOS. 30.

Petias utawi olih-olihan Pamangku luire :

- a. Panyolasan miwah sarin canang soang-soang pakubon Krama Desa
- b. Upon palaba carik miwah tegal manut pararem
- c. Luput pakaryan lan rerampen / reramon, pidagingan keni kadi patut.

PAWOS. 31.

1. Pamangku kagentosin riantukan :

- a. S e d a
 - b. Pinunas ngeraga,menawi kageringan lan sapanunggalannya
 - c. Kawusang antuk Krama menawi melaksana sane tan patut (Asta dusta)
2. Prade Pamangku kawusang sangkaning melaksana asta dusta,keni pamidanda manut pararem saha ngewaliang prabea kawentenan pecak (ngadegang pamangku)

PAWOS. 32.

Kasukertan Kahyangan kadi ring sor :

1. Tan kalugra ngeranjing ka Pura,kang kasinanggeh letuh luire :
 - a. Sebel kandel ngeraja suwala,selami dereng mabersih.
 - b. Sebel madruwe putra,selami 42 rahina
 - c. Sebel pengantenan,selami dereng mabiya kala,miwah cuntaka sangkaning kapademan manut sengker.
 - d. Sebel riantukan madruwe kulawarga kapademan / kalayu sekar kantos masapuh.
 - e. Makta sahanan barang sinanggeh ngaletihin
 - f. Sata Agung,sejawaning rikala mapepada.
 - g. Mabusana tan manut kadi tata caraning ngeranjing ka Pura.
 - h. Sadereng polih wak-wakan (pituduh) Prajuru Desa.
2. Pratingkahe sane nenten kaenangan ring Pura :
 - a. Masumpah (Cor) sejawaning pituduh Prajuru Desa.
 - b. Makobetan,masesenengan,makolem dados asiki lanang wadon,mabacin,mawiraha nyangsang busana,menahin pusungan (santukan punika rikala majejahitan patut ngelung busung macingor lidinnya)
 - c. Mungguh tedun palinggih sejawaning pituduh Prajuru Desa.
3. Sang mamurug kecaping ajeng keni pamidanda pameryascita sepatutnya.

PAWOS. 33.

1. Yan wenten jatma karawuhan ring Pura, kengin kapintin pada rumasa kasumbang sayan, yan nenten wiakti jatma inucap kasisipan manut pararem.
2. Prade Kahyangan kehanan durmanggala minakadi kapanca bhaya, Pamangku patut digelis nyadokang ring Prajuru mangda maruman Krama Desa tur ngawentenang pamerayascita sepatutnya.

PALET.2.

INDIK RESI YADNYA

PAWOS. 34.

1. Sang pacang madeg Pandita utawi Pianandita minakadi Balian sonteng, Kubayan, Dalang saluire jagi ngenterang yadnya patut masadok ring Prajuru Desa kalih Parisada Hindu Dharma.
2. Prajuru Desa patut ngawas, nitenin tur wenang ngalangin. Prade wenten kacihn kakecap miwah drestane, tur sareng nyaksinin upacara saha nyiarang ring paruman Desa tegep rawuhing wates kawenangan pangenter yadnya.
3. Krama Desa patut ngaturang ayah sapemadeg miwah ring pangelepasang sulinggih riwekas katuntun antuk Prajuru Desa.

PAWOS.35.

1. Sang Sulinggih patut nariyining ngayuning ring wawidangan jagat Taman Sari, sasampun punika wawu muputang Yadnya ka jebar tios jagat utawi ka dura Desa.
2. Krama Desa sami patut sareng ngawas, nitenin katuntun antuk Prajuru Desa, mangda sahanan Yadnya sane kawentenang kaicen pamuput olih Pedanda utawi Pinandita manut kawenangannya soang-soang.

PALET.3

INDK PITRA YADNYA

PAWOS.36.

Pamargin Pitra Yadnya madudonan manut sekadi ring sor. :

1. Pangupakaran sang kelayu sekar :
 - a. Antuk mendem utawi ngeseng, makacihna pakingsan ring ibu pertiwi, ring Bhatara Brahma selami nuptupang prabea.
 - b. Atiwa-tiwa (Upakara pangabenan / Palebon)
2. Upacara-Upakara Pitra Yadnya riwusan kaabenan mawastu munggah dan bingin (ngeroras) wawu kalaksanayang palinggih Dewa Hyang Bhatara-Bhatari.

PAWOS. 37.

Swadharmaning lan tategenan prade wenten Krama Desa kalayu sekar :

1. Sang Kaduhkitan patut :
 - a. Nyadokang ring Kelihan Adat tur nunas tatimbangan ring wentenannya.
 - b. Ngaturin Banjar ngarombo makarya eteh-ete sarwa kadulurin panyembrama canang sasida antuk utawi maweweh sajeng ring pangerombo nganter ka setra.
2. Swadharmaning Desa / Banjar Adat luire :
 - a. Kelihan Adat maritatas pamargin sang kaduhkitan, napike pacang kapendem, makingsan riyin utawi ka abenang.
 - b. Prade kapendem, raris kawentenang kulkul patanu antuk pawos 16 nomer 3 aksara b, antuk Kelihan Banjar utawi wakilnya.
 - c. Panyanggran Banjar selanturnya :

- Soang-soang Krama Banjar nedunin patut sami : 1 kg beras, adeng (taluh) 2, miwah jinah Rp.100,-
 - Ngarombo ngaryanin eteh-eteh sawa saha kasarengin antuk Krama sane rawuh maaksian.
 - Sami Krama Banjar sareng nganter ka setra jantos pamendeme puput.
3. Tan kengin ngalelet layon langkungan ring 7 (pitung) rahina tur patut polih pagebagan anut paetangan Kelian Adat.
 4. Tan kalugra nginepang bangbang miwah mendem sawa rikala : semut sedulur, kala gotongan, waspanganten miwah sapanunggalannya.
 5. Prade wenten kalayu sekar rikalaning piodalan kengin mendem tan pasadok tur mamargi wengi (setra pakingsan)

PAWOS. 38.

1. Sane kasinanggeh kacuntakan sekadi ring sor :
 - a. Cuntaka antuk Kalayu sekaran
 - b. Cuntaka antuk ngeraja swala
 - c. Cuntaka antuk ngembasan putra
 - d. Cuntaka antuk karuron
 - e. Cuntaka antuk sakit ila / buduh
 - f. Cuntaka antuk pawiwahan
 - g. Cuntaka antuk gamia gamana
 - h. Cuntaka antuk salah timpal
 - i. Cuntaka antuk anak istri mobot nenten kaupakarain antuk pabiyakala miwah pawidi widana.
 - j. Cuntaka antuk mamitra ngalang
 - k. Cuntaka antuk anak istri ngembasang putra sadurunge maupakara pabiyakala miwah pawidi widana.
 - l. Cuntaka antuk Sad Tatayi.
2. Sengker cuntaka manut kawentenannya :
 - a. Cuntaka kalayu sekaran, cuntakania kaanutang ring loka dresta miwah sastra dresta Desa.
 - b. Cuntaka ngeraja swala. 3 (Tigang) rahina ngawit saking ngeraja swala utawi selamaning ngeraja swala.
 - c. Cuntaka ngembasang Putra, 42 rahina (asasih pitung rahina) ngawit saking putrane embas utawi ngantos sampun kaupakarayang makakambuhan tur maprayascita manut sekadi Agama, lanang widin istri.
 - d. Cuntaka karuron, cuntakania asasih pitung rahina (42 rahina) tur sampun matirta pamerayas cita.
 - e. Cuntaka pawiwahan, cuntakania ngantos sampun matirta pabiokaonan.
 - f. Cuntaka gamia gamana, cuntakania ngantos sesampune kapalasang tur sampun kawentenang pemerascita raga tur sampun kawentenang pemerascita Desa Adat / Kahyangan.
 - g. Cuntaka salah timpal, kapuputang manut ring Agama Hindu tur dresta miwah Adat.
 - h. Cuntaka anak Istri mobot nenten kaupakarain, cuntakania ngantos kawentenang upakara pabiokaonan.
 - i. Cuntaka mamitra ngalang, cuntakania ngantos kawentenang upakara pabiokaonan.
 - j. Cuntaka ngembasang putra sadurunge maupakara pabiokaon miwah pawidi widana, cuntakania ngantos wenten sane mameras sang putra punika.
 - k. Cuntaka Sad Tatayi, cuntakania ngantos sampun maperas cita raga tur nenten pisan dados ngamungganghang upakara padwijatian.

3. Cuntaka kalayu sekaran / kapademan :
 - a. Kapendem cuntakania :
 - Cuntaka / sebel ka Banjar rawuhing 3 rahina wusan mendem utawi sesampun polih prayascita (mesapu)
 - Kaluargania sajeroning pakarangan ngantos 11 rahina.
 - b. Kaaben cuntakania :
 - Sang nyambut karya Pitra Yadnya cuntania ngawit saking ngerancang karya rawuh riwus yadnyania (mapegat)
4. Sane katiben cuntaka luire :
 - a. Kalayu sekaran sane kacuntaka :
 - Sang sane kalayu sekaran
 - Kulawargania
 - Bebanjaran
 - b. Ngeraja swala sane kacuntaka :
 - Sang sane ngeraja swala
 - c. Ngembas putra sane kacuntaka :
 - Kulawargania sane ngembasan putra lanang wiadin istri.
 - d. Pawiwahan sane kacuntaka :
 - Sang sane kaupacarain lanang wiadin Istri.
 - e. Karuron sane kacuntaka :
 - Kulawargania lanang wiadin Istri
 - f. Gamia Gamana sane kacuntaka :
 - Sang sane ngelaksanayang Gamia Gamana
 - Desa Adat nyane
 - g. Anak Istri mobot, nenten kaupacarain pabiakaonan sane kacuntaka : Sang meraga Istri sane mobot.
 - h. Mamitra ngalang sane kacuntaka :
 - Sane ngelaksanayang mamitra ngalang
 - i. Ngembasan putra sane nenten kaupacarain antuk pabiakaonan miwah pawidi widana sane kacuntaka : * Sang sane ngembasan putra miwah putrane sane embas.
5. Sane tan keneng cuntaka luire :
 - a. Sang Sulinggih lan Mangku Kahyangan Tiga
 - b. Rikala piodalan risampun ngalang sasih / ngalang tengah.

PAWOS. 39.

1. Atiwa-tiwa (pangabenan) kalaksanayang antuk :
 - a. Nyawa Resi (Nyuasta Geni) santukan nenten ngahgah utawi sawa tan kakeniang
 - b. Sawa Prateka
2. Panumayan pangabenan wenten kalih pawos :
 - a. Ngaben dadakan / bah bangun, kadadosang sajeroning Tempekan.
3. Dudonan pangabenan kawit saking ngahgah (Seda), ngeseng ngantor pangiriman utawi nganyud.

PAWOS. 40.

1. Papatusan pangabenan wenten kalih pawos :
 - a. Ngaben ngamasa luire : beras arong (4 kg). ayam asiki, kelapa sawungkul, tiying akatih, papah jaka miwah kelabang (manut taler pinunas sang madruwe yadnya).
 - b. Ngaben dadakan, pateh sekadi putus seda kapendem.

2. Pangingune ring Krama Banjar ngawit ngayah manut abot dangan kawentenan karya.

PALET. 4

INDIK MANUSA YADNYA

PAWOS. 41.

1. Manusa Yadnya inggih punika upacara-upacara dharmaning manusa ngawit saking patemoning kama bang sejeroning garba ngantos kalayu sekar riwekas.
2. Upacara kadi ajeng madudonan sakadi ring sor :
 - a. Magedong-gedongan duk pangerempinian ibiang.
 - b. Duk sang oka sampun medal
 - c. Kepusodel.
 - d. Roras rahina
 - e. Tutug kambuhan (42 rahina)
 - f. Nigang sasihin (Nyambutin)
 - g. Pawetuan / Otonan / odalan (6 sasih)
 - h. Tutug kelih (ngeraja wadonan,ngembakin lanange)
 - i. Matatah / Mapandes.
 - j. Mawiwaha (Pakala-kalaan)
 - k. Mawinten.
3. Upacara-upacara inucap nista, madia, utama manut sastra Agama saha catur dresta, maka buatang Desa Dresta, ngawinang sima cara Desa.

PALET. 5.

INDIK BHUTA YADNYA

PAWOS. 42.

1. Bhuta Yadnya inggih punika upacara-upacara biakala ring pertiwi lan Kahyanga, sarwa prani saha upacara-upacara ring babhutan.
2. Upacara Pabiakala ring sarwa prani luire :
 - a. Ring sarwa tumuwuh rikala Tumpek Pangatag (Saniscara Kliwon Wariga)
 - b. Ring sarwa ingon-ingon rikala Tumpek Uye (Saniscara Kliwon Uye)
 - c. Upacara pakala-kalaan manusa anut widana (Pabiakala)
 - d. Ring Sarwa besi / senjata rikala Tumpek Landep
 - e. Ring sarwa gambelan / balih-balihan rikala Tumpek Ringgit
 - f. Upacara pabiakala ring pertiwi, Kahyangan lan babhutan sane kawastanin Pacaruan.
3. Pecaruan inucap ring ajeng : Nista, Madia, Utama manut wiguna kadi ring sor puniki :
 - a. eko sato
 - b. Panca Sato
 - c. Panca sanak
 - d. Resi Gana
 - e. Tawur Agung
 - f. Panca Kelud
4. Sajawaning ring ajeng taler kawentenang upacara makadi :
 - a. Majot-jotan utawi Yadnya sesa wusan ngerateng
 - b. Masapuh-sapuh rikala pacang wali ring pura.
 - c. Ngalaksanayang Pecarua ring soang-soang lebu nyabran Tilem utawi penampihan sasih.

PAWOS. 43

1. Sanangkan ngawarsa rikalaning Tilem Kesanga kawentenang Tawur Kesanga, ketah ka bawose ngerupuk, makacihna pacang Panyepen benjangne.
2. Upacara penyepen sane kamargayang antuk Krama Desa / Banjar Adat luwire :
 - a. Amati Geni tan kengin maapi-api
 - b. Amati Karya tan kengin nyambut karya
 - c. Amati Lelungan, tan kengin maoneng-onengan, masuara gora
 - d. Amati Lelungan, tan kengin malunga-lungan
3. Pabratan inucap kemargayang saking semeng ngantos semeng benjangne, raris kasuarayang kulkul maka cihna Pangembak.
4. Sang mamurug kadi ring ajeng keni pamidanda manut pararem Banjar soang-soang sane kamargayang antuk patilik (Pacelang) Desa / Banjar Adat.
5. Riwusan Nyepi benjangne maka cihna pangawit isaka warsa, patut soang Krama Desa / Banjar Adat ngaksama.

SARGAH V

SUKERTA TATA PAWONGAN

PALET. 1.

INDIK PAWIWAHAN

PAWOS. 44.

1. Pawiwahan inggih punika patemon sang Purusa kalawan Predana malarapan antuk panunggalan kayun pada arsa, kadulurin antuk sekala lan niskala.
2. Pawiwahan naler mangda anut ring daging sastra Negara inggih punika undang-undang Perkawinan No.1 tahun 1974 Republik Indonesia Indik Perabian / palas merabi
3. Pawiwahan manut sima deresta Agama Hindu, pamekas ring Desa Adat "**Taman Sari**" kadi ring sor puniki :
 - a. Sami arsa (pada galang) malarapan antuk papadikan kamanggehang antuk PAKRAMAN
 - b. Ngerorod / ngrangkat wit pada arsa pakalihan riyin, wawu kakurnayang
 - c. Nyeburin utawi Sentana nyeburin (risampun nganutin upacara pamerasan)
 - d. Ngunggahin sangkaning wit pada arsa.
4. Pidabdab sang pacang mawiwaha patut :
 - a. Sampun manggeh deha / Teruna (prasida nganutin undang-undang).
 - b. Sangkaning pada rena (Tan kapaksa)
 - c. Manut kecaping Agama (Tan Gamyamana)
 - d. Kawisudha widana prade pengambile tiyos Agama, miwah kapati wangi.

PAWOS. 45.

1. Pawiwahan sane kapatutang ring Desa Adat puniki makadi ring sor :
 - a. Sampun kamargayang pabiya kala utawi pasakapan, kesaksiang antuk sekala niskala antuk pandita utawi Pinandita.
 - b. Wenten pasaksi Prajuru sane mapakelingan utawi ngilikitayang.
2. Parabian sane tan manut kadi ring ajeng sinanggeh tan patut (tan syah).

PAWOS. 46.

Tata caraning parabian, sang pacang mapawarangan pakula warga patut mapisadok ring Prajuru, selanturnya Prajuru patut maritatas manut kalawan tan manut kakacep parabiane.

1. Pamargin papadikan manut dudonan pakurenan jantos ping tiga saha malarapan antuk :

- a. Kapartama antuk canang
 - b. Kaping kalih antuk canang ring sajeng
 - c. Kaping tiga antuk katipat bantal, kabawos pamuput ppadikan. Risampun puput raris sang Istri kaajak budal ring pakubon sang lanang saha kalanturang antuk pabeya kala, mangda tumus sekala niskala, raris kulawarga purusa muatang pejati ring pemerajan sang Istri.
2. Pamargi ngarorod / ngerangkat patut :
 - a. Sang sane ngarorodang (Purusa) patut digelis ngawentenang pejati / pamilaku antuk duta sakirang-kirangnya kalih diri ring reraman dahe (predana)
 - b. Sang sane merabian (nganten) punika, sadurunge mabiya kala tan kengin medal ring wawengkon sang lanang taler kapwanengin 3 (tigang) rahina.
 3. Sajeroning pakurenan / pamilakuan patut :
 - a. Kamanggala antuk geng pangampura arep ring deha / wadone .
 - b. Kaiguman bawos idih pakidih utawi palemagan arep ring pasewakan sang ngidih saha ngigumang padewasan kerab kamba riwekas.
 - c. Kacihnayang indik purusa utawi predana prade sentana rajeg kajejerang patut ngidih anak lanang sane kabawos pawiwahan nyeburin, tur ri sampun sulur pemerasan kategepin kamanggehang sentana nyeburin.
 - d. Prade tan katerima pejatine, pakrunan kamargayang ping tiga selanturnya kapuputang antuk wali.
 4. Pakereb kamba mapiteges upacara tinas apadang (Puput) mapikuren, dwaning manut kadi ring sor :
 - a. Sajeroning kabawos ambe, kalaksanayang ring sekala niskala antuk sarana jejauman miwah pawidi widana.
 - b. Jejauman punika pinaka ngamba / ngadungan kayun soang-soang pakulawargan wadone.
 - c. Widi widana pinaka pajati niskala nunas wadone ring pemerajan utawi kembulannya.
 5. Sajeroning kabawos kereb pelaksanane ring sekala :
 - a. Antuk penyaksi olih Krama Banjar
 - b. Penyaksi ring Prajuru saha ngilikitayang
 6. Pawiwahan sane kasinanggeh tan patut inggih punika : Gamyam Gamana miwah salah timpal.
 7. Prade wenten wong melaksana sekadi asapunika, Prajuru wenang melasang, tur lumaksana inucap patut ngupakara Desa / Banjar Adat miwah danda manut pararem.

PAWOS. 47.

1. Panyaksi Pawiwahan :
 - a. Upacara sane keambil pinih alit upami :
 - Makala-kalaan panyaksi rawuh ring Prajuru Adat
 - Makala-kalaan rawuh ring paladara / pawarangan lanang wadu saking sajeroning Desa Adat panyaksi rawuh ring Krama Adat, Prajuru Adat miwah Dinas.
 - Yaning patemon pawiwahane ngalawan ring jaba desa, napi malih ring siyos negara (Daerah) panyaksi bebawos pawarangan rawuh ring Bandesa Adat lan Perbekel (Kepala Desa)
 2. Yaning warga Adat puniki ngambil saking jaba Desa, mangda kautsahayang nganutin tata titi Adat Desa Inucap.
 3. Nanging yaning kaambil saking dura desa, warga inucap patut kukuh nganutin ring tata titi Adat Krama Desa / Banjar Adat puniki.

PAWOS. 48.

1. Sajeroning Desa / Banjar Adat " Taman Sari " puniki tan kepatutang malaksana logika Sanggraha.
2. Yaning wenten lumaksana kadi inucap ring ajeng patut katiwakin pamidanda manut pararem.

PALET. 2.

INDK PALAS MERABI / NYAPIHAN

PAWOS. 49.

1. Pawiwahan praside kapisahang malarapan antuk palas merabi utawi kapademan.
2. Sang pacang ayat palas marabi patut atur supeksa kailikitan riyin ring sang rumawos (Pengadilan Negeri)
3. Palas merabi wenten kalih pawos inggih punika sangkaning :
 - a. Pada Lascarya luwire :
 - pada waneh
 - Salah sinunggil kalayu sekar
 - Ceda angga utawi wangdu / tan nyanggamen
 - Tan meresidayang ngawetuang sentana (Putra)
 - b. Mawiwit saking wicara :
 - Tan prasida rukun, tan maren ngawe biyuta
 - Anasar laku utawi malaksana adharna
 - Tan nyanggama tur tan ngupa jiwa rabi langkungan ring tigang sasih
 - Matilar saking parabian, tan pasadok lintangan ring tigang sasih.
4. Wusan merabian riantukan salah sinunggil seda, mapiteges balu lanang / istri, wusan merabian / palas marabi sakewanten sami kantun mahurip, mapiteges nyapihan .
5. Wastu tinas apadang pamutuse wawu Prajuru nyiaran kawentenannya ring Desa / Banjar Adat saha keni pamidanda manut pararem.

PAWOS. 50.

1. Tata cara palas merabi sangkaning pada lila sekadi ring sor :
 - a. Nawur prabeya pasaksi sinalih tunggil pada matenga
 - b. Paguna kaya polih pahpahan pada
 - c. Pabekel tadtadan soang-soang kakuasa ndiri-ndiri muwah warisan kakuasa antuk sang Purusa.
 - d. Ngupa jiwa pratisentana manut swadarmaning guru rupaka
 - e. Nawur pamidanda manut pararem.

PAWOS. 51.

2. Prade riwekas sang palas merabi kacihnayang adung malih patut :
 - a. Ngelaksanayang Upacara pawiwahan malih.
 - b. Kakeninin pamidanda nikel, yadiastun wit palase punika pada lasia / pada lila.

PAWOS. 52.

1. Sang Balu kabiyang dados :
 - a. Balu wadu wit sentana rajeg miwah balu wadu boyo sentana.
 - b. Balu lanang kapurusa (wit sentana) miwah wit balu lanang nyeburin (boyo sentana)
2. Swadarmaning balu inucap kadi ring sor :
 - a. Ngamanggehang pati brata (Satya rabi) tan kengin ngamargayang paradara / drati krama
 - b. Ngwasaang waris, paguna kaya tan kwasa ngadol, ngadeang makidihang lan siosan punika, sajawaning wenten kabebasan saking patut ngawarisin.
 - c. Kengin ngangkat sentana prade wenten pidabdab sadurung sinalih tunggil padem saha kabebasan antuk kula warga sinanggeh kapurusan.
 - d. Kawenangan mawiwaha malih, prade wenten kabebasan manut ring palet 1 aksara b ring ajeng.

3. Balu wadu utawi lanang kengin kawaliang kaumah deha / teruna saha polih pahpahan paguna kaya, yaning pageh ngelaksanayang swadharmaning balu,yaning nenten pageh tan polih punapa-punapi.
4. Balu sane kaucap tan pageh sekadi ring sor :
 - a. Nilar kedatuan
 - b. Anasar laku (drati krama / para dara)
 - c. Lempas ring swadarma siyos-siyosan, tan prasida ngesehín solah maprewerti arep ring pituduh kulawarga purusa.

PALET. 3.

INDIK SENTANA

PAWOS. 53.

1. Sentana wenten kalih pawos inggih punia :
 - a. Pretisentana wiyadin sentana Rajeg
 - b. Sentana paperasan
2. Pretisentana inggih punika sentana sane metu saking pawiwahane kapatut.
3. Prade pawiwahan tan kepatut sentana, mangda tan kantun kawastanin babinjat utawi astra yogia kamanggala antuk panyangaskara.
4. Prade pawiwahan tan ngwetuang sentana, kengin ngangkat sentana antuk upasaksi sekala niskala sane kawastanin sentana paperasan.
5. Sentana rajeg inggih punika pretisentana wadon (predana) sane kemanggehang lanang (purusa) tur risampun ngalaksanayang pawiwahan nyeburin.
6. Sang sane dados kaperas gumanti anggen sentana inggih punika :
 - a. Pretisentana wadon tunggal
 - b. Saking kulawarga ping ajeng mangda saking witing purusa
 - c. Prade tan wenten saking purusa taler dados saking predana
 - d. Yening tan wenten saking wadu, wenang sakita harep nanging mangda polih kabebasan saking kulawarga utawi pakadangannyane saking purusa.
 - e. Kengin ngangkat sentana lintangan ring asiki,sake wanten mangda polih kabebasan saking pasubaya.
 - f. Sang pacang ngadegang sentana, patut masadok ring Prajuru Banjar tur kelihan Adat patut nyiarang ring Banjar sane ngaturang ring prajuru Desa.

PAWOS. 55.

1. Ngangkat sentana manut dudonan patut maka cihna artha orang pamerasan saha kasaksiang ring sekala niskala.
2. Sapa sira ugi pacang nunas sentana,patut masadok ring Bendesa Adat sanistan ipun asasih sedurung pamerasan.
3. Bendesa kawakilin antuk para kelihan Adat nyiarang ring sawawidangan Desa, tur sang sapa sira ugi rumasa tan lila mangda masadok masenger kalih wuku,sabanen pamerasan ring Bendesa Adat.
4. Prajuru Desa Adat patut digelis mawosin saha ngicenin pamutus nepek ring catur dresta miwah pararem.
5. Prade sulur pararem tan manut ring kecaping ajeng,Prajuru Desa wenang ngadeg sang pacang makarya, saha ngicinin panuntun,mangda kapuputang riyin bebawos sulur utawi wicarannya.

PAWOS. 56.

1. Paperasan sane kapatutang ring Desa risampun macihna :
 - a. Widi widana pamerasan
 - b. Kasaksinin antuk Prajuru Desa sane makelingin utawi ngilikitayang.
 - c. Kasiarang ring wawidangan Desa.

2. Sentana sane meraga istri, ngerawuhang anak lanang (Rabi) sampun puput pawiwahan, sakantun lanangnya mahurip tan dados ngerawuhang anak lanang siyosan kaanggen rabi malih riantukan tan kapatutang anak Istri ngemaduang anak lanang.
3. Sapunika taler anak lanang ngemarginin wadu, sajeroning pawiwahan utawi sane kebaos nyeburin miwah sentana paladara, tan dados ngarereh rabi malih utawi ngamaduang polih kebebasan saking :
 - a. Saking Rabine.
 - b. Saking Matuane
 - c. Saking pangadilan Negeri.
4. Nanging yaning sampun polih kebebasan saking kadi inup ring ajeng, okane saking rabi diwawu patut polih pah-pahan padruwen sentana miwah paguna kaya, sajawaning wenten pasubaya.

PAWOS. 57.

1. Sang lanang ngamarginin wadu kadi inucap ring ajeng pawos 56 palet 3, prade seda imatua/sentana luh sane kaceburin, punika kengin ngerereh rabi malih, okane saking rabine wawu patut polih warisan saking padruwean sentana.
2. Sang lanang sane nyeburin, tur sampun ngawentenang sentana, prade wenten seda imatua utawi sentana luh, tan dados ngerereh rabi malih yening tan polih kebebasan saking okane, nanging yan sampun polih kebebasan, okane saking rabi wawu patut polih warisan saking padruwean isentana.
3. Wong lanang sampun madruwe rabi tur madruwe oka, raris nyeburin sentana luh, okane saking rabine dumun wantah polih warisan saking rerama lanang, nanging oka saking rabi sentana polih warisan sentana nanging tan polih warisan saking rerama lanang.
4. Oka lanang utawi oka istri yaning yayah ibune sampun seda, Oka istri sane durung marabian kapatutang polih pah-pahan warisan nanging yan sampun marabian dados druwen semeton lanang inucap.
5. Wong Istri marabian mairingan oka, okane punika patut polih warisan saking paguna kayan biyangne sedereng marabian sajawaning wenten pasubaya.
6. Pah-pahan warisan lanang utawi Istri ategen ngelawan asuwun utawi kakalih ngelawan asiki.

PALET.4.

INDIK WARISAN

PAWOS. 58.

1. Warisan inggih punika tetamian artha brana saha ayah-ayahan ngudpadi sukerta sekala niskala saking kaluhurania ring turunnya.
2. Kang sinanggeh warisan luwire :
 - a. Druwe tengah makadi tegal, ayahan Desa, Kahyangan, pusaka lan spanunggalan ipun.
 - b. Pamarajan / Kemulan
 - c. Paguna Kaya, Tadtadan / Jiwa dana, hutang piutang.
3. Wawu kabawos warisan prade wenten :
 - a. Sang mapiturun (Pawaris)
 - b. Katurunan (Ahli waris)
 - c. Artha brana miwah tategenan (Ayah-ayahan) maka cihna warisan.

PAWOS. 59.

1. Ahli waris luwire :
 - a. Preti sentana purusa.
 - b. Pretisentana predana (Sentana rajeg)
 - c. Sentana paperasan lanang / Istri (angkat sentana)
2. Prade tan wenten sekadi ring ajeng, kang sinanggeh ahli waris inggih punika :
 - a. Turunan purusa pernah unggahang, rerama lanang, pekak selantur ipun, rerama misan mindon.
 - b. Turunan purusa pernah kasamping makadi kaponakan miwah mindon.

PAWOS. 60.

1. Swadharmaning ahli waris patut :
 - a. Nyanggra saha nguasayang tatamian pahan saking kaluhurania makadi ngarempon sanggah, pamerajan, kawitan pura lan paayah-ayahan pawaris.
 - b. Para ahli waris polih pah-pahan ngabenang pawaris saha ngalantaran upacara-upakara [itra yadnya.
 - c. Ngalanturang katurunan pawaris.
 - d. Nahurin hutang piutang pawaris sane manut pangelokika.

PAWOS. 61.

1. Pangepahan warisan manut sekadi ring sor :
 - a. Risampun kalaksanayang pitra Yadnya lan hutang piutang pawaris buntas katawur.
 - b. Para ahli waris polih pah-pahan pada saking paguna kaya.
 - c. Sinalih tunggil waris kengin tan polih pah-pahan prade :
 - Nilar kawitan lan sasananing Agama
 - Alpaka Guru rupaka
 - Sentana rajeg kesah mawiwaha utawi prtisentana nyeburin, soang-soang kabawos ninggal kadaton.
 - d. Boya ahli waris kengin muponin hasil manut dudonan luwire :
 - Sentana luh salami durung kesah marabi utawi alpaka guru, madruwe pianak tan kaangkenin antuk wong tuna rare inucap, kengin ngawaris wantah paguna kaya sentana luh inucap kemawon.
 - Balu luh wiyadin muani nyeburin (soang-soang boya sentana.)
 - Mulih deha utawi teruna, riantukan ring pawiwahane pecak sampun kabawos ninggal kadaton.
 - e. Pawaris rikala mahurip kengin maweweh jiwa dada tadtadan/bekel maka cihna paweweh tetep ring pianak sane kesah mawiwaha.

PAWOS. 62.

1. Sajeroning pakulawargan wenten ahli waris langkungan ring adiri patut :
 - a. Ngawentenang paigum indik pedum waris inucap.
 - b. Yan tan prasida, katunasang ring Prajuru (Kerta Desa)
 - c. Prade tan wenten cumpu ring panepase kerta Desa, kengin nunasang ring sang rumawos (Pengadilan Negeri).
2. Prade sang pawaris inucap kaputungan, Prajuru patut nibakang pawaris inucap ring :
 - a. Sang sinanggeh ahli waris
 - b. Sang kengin anggen sentana
 - c. Prade tan wenten cumpu ring panepas Kerta Desa, raris katunasang ring sang rumawos (Pengadilan Negeri).

SARGAH VI.

WICARA LAN PAMIDANDA

PALET. 1.

INDIK WICARA

PAWOS. 63.

1. Sang wenang mawosin sekadi mutusang wicara ring Desa Inggih punika Kerta Desa. Kerta Desa : Paruman Pamucuk kasarengin antuk Perbekal.

2. Sahananing pamutus Kerta Desa, kengin katunasang banding ring sang rumawos olih sang katiben pamidanda sajeroning kalih wuku mawit saking pamutus inucap, Risajeroning kalih wuku inucap, indik banding tan kalaksanayang olih sang katiben danda, dados pamutus Kerta Desa punika manggeh syah tur kamargiang.

PAWOS. 64.

1. Sahanan wicara mawiwit kacorahan sakaluwire sinanggeh nungkasin daging Awig-awig, Paswara miwah pararem Desa / Banjar Adat, Prajuru patut digelis mawosin tan nyantos pasadok.
2. Sajaba wicara kadi ring ajeng patut nyantosang pasadok sang nunas bawos.
3. Panepase patut pastika ngantenang iwang patut malarapan antuk Tri Pramana (saksi, ilikita, bukti) miwah tan maren nepek ring catur Dresta luwire :
 - a. Sastra Dresta : mangda anut ring pawarah-warah Agama.
 - b. Purwa Dresta : mangda anut ring sima krama saking riyin
 - c. Loka Dresta : mangda anut ring pasuara kalih undang-undang jagat Indonesia, pamekas Pancasila lan UUD, 1945.
 - d. Desa Dresta : mangda anut ring Desa, kala, patra.
4. Sahanan pamutus paruman pamucuk Desa Adat sane mabuat mangda kausahayang pamikukuh Guru wisesa.

PALET. 2.

INDIK PAMINDANDA

PAWOS. 65.

1. Kerta Desa wenang nibakang pamidanda ring warga Desa Adat sane mamurug Awig-awig, pasuara, utawi pararem Desa Adat " Taman Sari " puniki.
2. Pamidanda inucap kalaksanayang olih Bendesa Adat / Kelihan Adat.
3. Pamidanda sane katiwakang punika mangda manut taler ring Catur Naya Sandi luwire :
 - a. Sama : Panibak danda mangda rata
 - b. Beda : Panibak danda mangda masor singgihang, anut ring kasisipannya.
 - c. Dana : Panibak danda inucap wantah matatujon pacang ngrapuhang kasisipan sang lumaksana iwang, tur jaga ngamanggehang kasukertan Desa Adat.
 - d. Danda : Panibak Danda mangda anut ring wicara.
4. Bebacakan pamidanda manut kasisipan marupa :
 - a. Artha utawi jinah
 - b. yah-ayahan
 - c. Upakara muang upacara
 - d. Kasepakang tan polih pangayoman / pasayuban.
 - e. Kanorayang makrama Desa / Banjar
 - f. Kapalasang
 - g. Nunas pengampura
5. Jinah utawi artha brana pamidanda ngranjing ring Desa / Banjar Adat.
6. Saluwiring pamidanda sane katiwakang ring sane sisip, mangda kasuratang risajeroning pasuara kalih parrarem.

PAWOS. 66.

1. Sahanan paturunan / pamidanda, yening ngantos langkung ring tigang paruman utawi manut senger sane sampun manut cacumpon, ngelantur tan katawur patut kalaksanayang rerampagan sapangangan paturunan miwah pamidanda sane patut katawur olih sang kasisipan.
2. Rerampagan punika mangda ngangge tata cara kadi ring sor :

- a. Kalaksanayang antuk Prajuru kasarengin antuk krama tigang diri maka saksi.
 - b. Sang ngerampag sangkaning darsana ngambil barang utawi nyawenin tanem tuwuh, akehnya manut hutang sang karampag.
 - c. Prajuru miteketang mangda barang-barang sane karampag digelis katebus, masengker awuku ring kukus rahina pacang kadol / kalelang.
3. Mungguwring barang-barang sane tan dados karampag luwire :
- a. Piranti pangerereh pangupa jiwa
 - b. Piranti utawi sarana upakara / upacara Yadnya.

PAWOS. 67.

1. Prade sang pacang karampag ngewara (ngalangin) pangalaksana inucap mawastu tang nginutin awig-awig, Pasuara miwah pararem Desa tan wenten pamargi sajawaning kasepakang / kanorayang makrama Desa utawi tan polih pangayoman.
2. Pamidanda inucap ring ajeng buntas risampun sang kakeninin :
 - a. Nunas pangampura riantukan nguak pasubaya / pararem pecak
 - b. Tawur pangargan panguwak pasubayane duk pacang karampag kadulurin antuk Prayascita panyaksak kaiwangan ring Desa.

SARGAH VII

NGUWAH – NGUWAHIN AWIG – AWIG

PAWOS. 68.

1. Nguwah-nguwahin Awig-awig Desa Adat puniki kalaksanayang antuk paruman Desa / paruman pamucuk Adat
2. Awig-awig Desa Adar puniki kamargayang ngawit kaingkupin (kararemin)
3. Pamutus bebawos indik jaga nguwah-nguwahin Awig-awig puniki mangda malarapan antuk : paras paros, saling asah asih lan saling asuh.

PAWOS. 69.

1. Sakaluwiring sane wenten saderengnya kaanutang ring daging Awig – awig puniki.
2. Sakeluwiring sane durung kabawos sajeroning awig-awig puniki patut kalaksanayang manut tata cara sane sampun ketah mamargi ,kadulurin antuk pararem-pararem tur kasuratang ring pasuwara utawi kabawos ring paruma Pamucuk Adat.

SARGAH VIII.

P A M U P U T

PAWOS. 70

1. Awig-awig puniki kawastanin Awig –awig Des Adat Taman Sari,Desa Tudajaya,Kecamatan Melaya,Kabupaten Daerah Tingkat II Jembrana.
2. Awig-awig Desa Adat puniki kararemin tur kamanggehang duk Rahina Coma wara wage wuku Prangbakat Purnamaning Sasih Kartika,Isaka Warsa : Samudra Candra Las ranganing Bumi utawi Tanggal : 12 bulan Oktober 1992 masehi.

OM, SANTHI,SANTHI, SANTHI, OM

PARUMAN PAMUCUK DESA ADAT TAMAN SARI

DESA TUKADAYA.

MANGGALA PARUMAN PAMUCUK :

1. Bendesa Adat.

(I NENGAH LASTRA)

4. Penyarikan

2. PETAJU H

3. Petengen

(I Ketut Wika)

(I NYOMAN TUTUR S)

(I Nengah Sualem)

BHAGA – BHAGA

1. BHAGA PARHYANGAN

2. BHAGA PAWONGAN

3. BHAGA PALEMAHAN

1. (I PUTU SUTAMA)

1. (I NENGAH NARBA)

1. (I KETUT SIDIA)

2. (I NYOMAN WILYA)

2. (I MADE WIJA)

2. (I KETUT BUDA)

3. (I KETUT LINGGIH)

3. (I NYOMAN MANDIA)

3. (I KETUT SANDIA)

PARA KELIHAN ADAT

1. Kelihan Adat Banjar Sarikuning

2. Kelihan Adat Banjar Sarikuning TA.

(I KETUT JENDRA)

(I PUTU NADA)

Kelihan Adat Banjar Sombang

4. Kelihan Adat Banjar Kembangsari

(I PUTU GELGEL)

(I KETUT BAGIA)

PARA KELIHAN DINAS :

1. Kelihan Dinas Banjar Sarikuning.

2. Kelihan Dinas Banjar Sarikuning T.Agung

(I KADE NAWA)

(I WAYAN YARKA)

3. Kelihan Dinas Banjar Sombang

4. Kelihan Dinas Banjar Kembangsari

(I NYOMAN NARBA)

(I KETUT WIDEN)

Kepala Desa,Desa Tukadaya

Camat Kepala Wilayah Kecamatan Melaya

(I KETUT SAPTA)

(I GUSTI NGURAH KAYUN BA)

KEAJENGIN OLIH :

BUPATI KEPALA DAERAH KABUPATEN DAERAH TK. II
JEMBRANA

(IDA BAGUS INDUGOSA SH)

KETUA BADAN PELAKSANA PEMBINA
LEMBAGA ADAT
KABUPATEN DATI II JEMBRANA

KETUA PARISADA HINDU
DHARMA INDONESIA
KABUPATEN DATI II JEMBRANA

(I DEWA MADE MERTHA)

(I DEWA GEDE ANOM BA)

Awig – awig Desa Adat puniki wus kapasupati duk ring rahina kadi inucap ring ajeng olih Ida Peranda Gede Sigaran, Desa Batuangung.

SULINGGIH

(IDA PERANDA GEDE SIGARAN)

PAMURWANING ILIKITA SWA DESA ADAT
TAMAN SARI

“ OM SWASTI ASTU “

Desa Adat puniki wntah wit saking Desa Dines Tukadaya sane sampun kakembangn dados kalih Desa Adat Inggih punika : Desa Adat Tukadaya lan Desa Adat Taman Sari. Raris malarapan antuk surat Kaputusan Kepala Desa Tukadaya miwah pararem pamucuk Desa Adat Taman Sari, prasida kakukuhang olih Bapak Kepala Desa Tukadaya taler kasaksi antuk Bapak Camat Kepala Wilayah Kecamatan Melaya miwah Ketua BPPLA Kabupaten Daerah Tingkat II Jembrana.

Pangukuhanne punika kalaksanayang duk Rahina Buda Pon Wukuning Tolu Sasih Katiga, Tanggal ping 7 Isaka warsa 1912 utawi Tanggal 12 September 1990. Sane kamanggehang Prajuru Desa Adat Taman Sari sekadi ring sor punika :

- | | | |
|-----------------------|---|-----------------------|
| 1. Bendesa Adat | : | I Nengah Lastra |
| 2. Petajuh | : | I Nyoman Tujur Susana |
| 3. Penyarikan | : | I Ketut Wika |
| 4. Wakil Penyarikan | : | I Nengah Sudema |
| 5. Patengen | : | I Nengah Sualem |
| 6. Pamucuk Desa Adat. | | |
| a. Baga Prahyanan | : | I Putu Utama. |
| b. Baga Palemahan | : | I Ketut Sidia |
| c. Baga Pawongan | : | I Nengah Narba |

Asapunika indik Purwaning Desa Adat Taman Sari puniki mangda sahananing usaha prasida olih karahayuan. tur prasida kelanturang.

Dumadak ledang Ida Sang maraga wisesa nuntun iraga saking kaiwangan, nyujur kapatutan, saking kapetengan nyujur sunar miwah saking windu mahurip rawuhing antaka nyujur ka Moksan.

“ Om, Santhi, Santhi, Santhi Om “

Taman Sari, 12 September 1990

Penyarikan

TTD

Bendesa Adat Taman Sari

TTD

(I NENGHAH LASTRA)

(I KETUT WIKA)